

مسکن

سر ۶ ۱ ۳۰ ۳ ۱

والله يهدي من يشاء الى صراط مستقيم دینی ، علمی ، ادبی ، سیاسی هفته‌ای مجموعه اسلامی در

اتبعون اهدکم سبیل الرشاد

صاحب و مدیر مسئول : ح . اشرف اریب

جلد ۱ - ۸

۵ نیسان ۱۳۲۸

پنجشنبه

۱ جمادی الاول ۱۳۳۰

عدد ۷ - ۱۸۹

اهتدا ایتک خدمتده انزایده ایلری کیدن مسلمانر اولمق لازمدر.
بو علم، طریقت واسلوب اسلامیة اوزرینه اوقونمق لازمدرکه عبرته
ارجی، عمله داعی اولانده بودر.

صنف مرشدین :

مقدمه ابن خلدوندن بعض مسائل اجتماعیة آئیر، وتنیهی لازم اولان
مسائله اشارت اولنه رقیینه بوندن بعض فصللر تعقیب اولنور. مثلاً :
عربدن نقلاً سویلش اولدینی شیلرک بعضیلرنده واقع اولان خطالر،
احوال اجتماعیة وطبیعت عمرانک اختلاف ایلدیکی - زمانمزدده مدنی
و کبار طاقلرینک بدوی و کویلیلر اوزرینه غالب اولدی کی -
مسائل بیان اولنور. فقط کندی زماننده، یاخود ده اولکیلردن
بحث اولنماز. بونلر بر طاقم درسله، یاخود فصللره تقسیم اولنور
وصنف مرشدینده اوقونور.

صنف دعا :

بو علمه عائد عصر حاضرک محتاج اولدینی ترتیب اوزره کتابلر
یازیلیر، روح عبرت، هدایت اسلامیة نفخ اولنور، و صنف دعا
اوقوتولور.

مثلاً : کرک علمک مقدمه سنده، کرک موضوعی بیان ایدرکن
« قد خلت من قبلکم سنن »، « سنه الله فی الذین خلوا من قبل ولن
تجد لسنة الله تبدیلاً » و بونلرک امثالی پک چوق آیات حکمیة واحادیث
نبویه ذکر اولنور.

جمعیات بشریة نیک اصلی، صوفی، مراتب اجتماعیة سی خصوصنده
« یا ایها الناس انا خلقناکم من ذکر و اشی و جعلناکم شعوباً و قبائل
لتعارفوا »، « ما کان الناس الا امة واحدة فاختلفوا »، « کان الناس
امة واحدة فبعث الله النبیین مبشرین و منذرین... » کی آیات کریمه
ذکر ایدیلور.

جمعیات و اجتماعک قوتی، اتفاق و اتحادی آمر، تنازع و تفرقه دن
ناهی اوله رقی وارد اولان آیات کریمه و احادیث نبویه ایله بیلدیریلیر. بو
بایده وارد اولان آیات کریمه و احادیث نبویه پک چوق اولدینی کی
ترمذینک روایت ایلدیکی « یدالله علی الجماعة » حدیث شریفی ده
بو معنایه در.

دولتلرک، ملتلرک بر حالدن دیکر بر حاله انتقاله جاری اولان
« ان الله لا یغیر ما بقوم حتی یغیروا ما بانفسهم » و « وتلك الايام نداولها
بین الناس » کی قوانین الهیه کوستریلور.

اشتراک و تعاون خصوصلری ده زکات و صدقاته دائر وارد اولان
آیات کریمه، احادیث نبویه، آثار جلیله ایله بیسان ایدیلیر، طلبه
بو علمده و کنیدیسیله عمل لازم اولان شیلرده وجوه عبرت اوزرینه
تنیه اولنور. مابعدی وار

بونلکه برابر بوتون انکیزلرک مالکیته فخر ایله دکاری سربستی تفکر،
تسلیم حق خصیصه لرینه مراجعتله پیش نظر لرینه وضع ایدیله جک حقایق و وثائق
کمال اعتدال و بیطرفی ایله محاکمه ایله لرینه و بو تقدیرده و بریله جک حکم
قطعی کی کمال اعتدال ایله فکر قارئینه ترک ایدمه جکمی عرض ایلرم.

بو بیاناتمزه شو مقدمه جکله باشلامق ایستهرز : تاریخ عالمده بر ملت
کورلمه مشی درکه : معبوده و یا معبودلره، بر صنف روحانییه، پیغمبران عظامه،
اعیاد و ایام مبارکه دینییه، مقدس، اسرار انکیز معبدلره و بر طاقم باطنی
خفیات معضله اعتقادییه صاحب اولدینی حالد بونلرک ایچینه محل حرمت بعض
زوائد کیرمه مشی اولسون [۱] و اقوام سامیه عنوانی آلتنده معلوم اولان
بوتون ملل و اقوام اولدن بری ارض و سما و بحارک خالق، ناظمی، ناظر
و حاکمی اوله رقی قادر مطلق بر وجودک موجودیتنه صورت عمومیه ده ایمان
ایلمه مشلردی. بو موجود واحد عدولمقله برابر بر چوق اسملر و صفترلره یاد
اولنمده ایدی. آنجق قولایچه آکلاشیله جنی و جهله بو عقیده عالییه اکثریا -
سفی و دولاشیق نوعندن - بر طاقم افکار بشریه ایله ستر اولمش. احتمال
صنوف روحانیه نیک « کهنه و قوف غیر ممکن اولان » او موجود معظمک
صفات و تمیزاتندن بعضیلرینی کنیدیلسنده تشمیل ایتک مقصدیله تصنیع ایتدکاری
بر طاقم تبلیغات باطله و موضوعات اساطیرییه ایله ظلمت و مشوشیته القا ایدلمشدر.
شمسک، قمرک، نجومک و سیاره لرک « وجود سماوی » فکر یله قارشدیرامسی
وصره ایله بونلرک وجود واحد سماوینک و کیلاری، اقامتکاهی، اردوسی،
حتی بعضاً بالذات کنیدیسی کی تلقی ایدلمه سی بونوعنددر.

بو وادییه نقل کلام ایتک اوقدر واسع بر ساحه تدقیق و تتبع آچق
اولورکه : او حالده او کمرده کی مسئله اصلییه حدود معقوله و مناسبه داخلنده
طوته بیلک امکندن خارجه چیقار.

بناء علیه : بو صحیفه لرده - ایضاح افکار و ارائه مثال ایله مک ارزده واقع
اوله جق بیانات مستثنا - موسویلک، عیسویلک و محمدیلک پیش مطالعه و محاکمه یه
آلینه جق، مباحث اشاعیکی سرلوحه لر تحتنده ترتیب اولنه جقدر :

۱ - موسویلک نه در؟ نه تبلیغ ایتشد؟ نصل نشر اولنمشدر؟ بو دین
منسویینی طرفندن « وظیفه دینییه » ذهابی آلتنده اجرا اولنان معاملات
شدتکارانه نه دن عبارتدر؟

۲ - خرسیتیانیت حقنده عینی تدقیقات.

۳ - اسلامیت حقنده عینی تدقیقات.

۴ - بیده بواوچ دینک وقایع مخصوصه سنی منایسه ایددرک بر نتیجه یه
وصوله چالیشق. [مابعدی وار]

علی رضا سیفی

تنبیغ و تعلیم

« دارالدعوة والارشاد » ده اصول تدریس و تعلیم

۱۸۲ دن مابعد

علم اصول اجتماع

بو علم، قرآن حکیمک بزی تحصیلنه ارشاد ایلدیکی علومک اک
بیوکلرندندر. بناء علیه بو علمه اهمیت و یرمک، مسائلنی تحریر، حکمنه

[۱] بو خصوص دو قنور (Inman) ک آثارنده، خصوصیه
« ادیان قدیمه و اسماء قدیمه » نام اثرنده صورت دقیقه ده ایضاح اولمشدر.